

Donostian, 2016ko otsailaren 19an

IDAZKARI NAGUSIARI

KONTROL MOZIOA, ABEGI ETXEKO ERANSKINERAKO ARAUDI BAT EGITEA DELA ETA

Irabazi Donostia taldearen bozeramaile Amaia Martin Garin naizen honek, Udalbatzaren Araudi Organikoaren 98. artikulua oinarri, KONTROL MOZIO hau egiten diot Gizarte Ekintzako zinegotzi ordezkari Aitziber San Romani, Pertsonentzako Zerbitzuen Batzordean aurkezturiko interpelazioaren ondorioz.

JUSTIFIKAZIOA

Udalak dituen larrialdiko ostatua emateko baliabideen artean, Gizarte Abegi Etxeko eranskina. Gizarte Abegi Etxeari atxikitako egoitza hori adingabekoak dituzten familientzat da. Ohatzedun 3 logela ditu (2, 6 eta 8 ohe), sukalde-jantoki bat, bi bainu gela eta dutxa bat. Salbuespenetan izan ezik, urteko oroitidazkian eskudun atalak azaldu bezala, egonaldiak hiru gauekoak izaten dira, gehienez ere.

Argitaraturiko azken txostenaren arabera, 2014an seme-alaba txikiak zituzten 31 bizikidetza unitate hartu dituzte aterpean. 312 egunean erabili dute aipatu baliabidea. 51 adingabekok erabili dute baliabide hori.

Zifra globalak gorabehera, urte honen hasieran lau familia egon dira, batera, bizitegi horretan, tarte batean erabiltzaileak pilatu direlarik. Hilabete batean, gutxi gorabehera, hiru familia egon dira elkarrekin bizitzen: lau nagusi eta zortzi ume. Hainbat zio direla kausa, bitarte horretan han egotearen alde egin dute teknikariek. Horrek, lehenik eta behin, pertsona horien beharrak ezin asetzea ekarri du.

Gogora ekarri beharrean gaude Gobernu Batzarrak erabaki zuela eranskinera otordua eramateko kontratua aldatzea, zerbitzuak ez zuelako bermatzen beharreko higiene baldintzak betetzerik. Halere, kontratu hartan zehaztu bezala, eranskinerako anoak —azarotik aurrera hutsean ontziratu beharrekoak — egunean hamar izango dira, sei bazkarirako eta lau afarietarako. Datu horiek kontuan baiets dezakegu ezin izan dutela bermatu tarte horretan egoitzan izandako pertsonen bazkari eta afari bana jaso izana; areago, ezta haietako bakoitzak otordu bat eguneko ere.

Era berean, ume horiek guztiak, eskolaratzeko adinean egonda, denbora tarte horretan inolako hezkuntzarik jaso gabe egon dira. Gai horri dagokionez, gogoan izan behar dugu, Haurraren Eskubideei

buruzko Konbentzioko 28. artikuluz bat, Espainiako Konstituzioko 27.1 artikulua denok hezkuntzako eskubidea izatea arautzen duela. Era berean, Hezkuntzako 2/2006 Lege Organikoak adierazten duenez, oinarrizko lehen eta bigarren hezkuntzak, 6 eta 16 urte bitarteko hamar urteko eskolaratzea, nahitaezkoak eta doakoak dira. Botere publikoek, hortaz, denon hezkuntza eskubidea bermatu behar dute irakaskuntza orokorrean programatu eta, eragindako sektore guztiek eraginkorki parte hartzen dutela, eta ikastegiak eratuta.

Denbora horretan Abegi Etxeko Eranskinean izan diren atzerriko ikasleei dagokienez, berriro aipatu beharra dago Konstituzioak eta Haurraren Eskubideei buruzko Konbentzioak ez dutela egiten bereizketarik. Atzeritarren Legeko 9.1 artikuluan aipatzen duenez, hemezortzi urtetik beherako atzeritar guztien eskubide eta eginbeharra da heziketa, espainiarren baldintza berberetan, nahiz eta artikulua berak nahitaezko hezkuntzara mugatzen duen (hau da, eskolaurrekoa eta DBHren ondorengoa ez daude sartuta).

Abegi Etxeko Eranskinak behin-behineko beharrizan bat —orokorrean, denbora labur baterako— ase arren, gure ustez beharrezkoa da oinarrizko beharrizan hori asetzea. Errealitateak erakutsi digunez, ezarritako hiru egun baino ematen dute han zenbait adingabek. Noraezekoa da bitartekoak jartzea, bestela, adingabe horien kalteberatasuna eta pobrezia luzatuko ditugu, lo egiteko leku finkorik ez izate soilagatik.

Hori dela eta, hauxe da gure

KONTROL MOZIOA

1. Donostiako Udalbatzak hertsatuki eskatzen dio udal Gobernuari Abegi Etxeko Eranskina arautzeko araudi bat lantzeko.
2. Donostiako Udalbatzak hertsatuki eskatzen dio udal Gobernuari egoitza hori darabilten pertsonen oinarrizko beharrak bermatzeko, hala, eranskinean diren pertsona guztiek egunero hiru otordu bermatzeko beharrezko formula bilatuko du.
3. Donostiako Udalbatzak hertsatuki eskatzen dio udal Gobernuari Hezkuntza Sailarekin batera heziketa zerbitzu bat jartzeko adingabeei eranskinean dauden bitartean.

Sinatua: Amaia Martin Garin,

Irabazi Donostia taldearen bozeramailea.